

# مکرمات و احوال

❁ ادبی و سیاسی رسالهٔ اسبوعیه در ❁

۳۱ نجی سنه

۱۹ رجب ۱۳۳۰

❁ پنجشنبه ❁

جلد: ۱۵ - جزو: ۱۵۳



## بارباروس خیرالدین

قوة بحریة عثمانیه نك دوره جلادت وعظمتدن بر نمونه ۱

ایتالیا - ترکیا حربی شمعی یه قدر ترکرلک بحر سفیده جدی بر مجادله  
تجربه ایتمک ایسته دکلرینی بزه ارايه ایلدی . الیوم بز . عثمانلیلرک بر ملت  
بحریه اولدقلری اعتقادی ایله کسب اعتیاد ایلشزدرد . حال بوکه بر زمانلر  
ترک قبودانلری . آمیراللری بحر سفیده حاکم . فرمانفرما ایلدیلر .  
بر ماضی بعیده عالد اولان بو زمان کرچه چوق امتداد ایتمدی . فقط  
حقیقه بر دوره برشمعه اجلال و شوکت ایدی .

عثمانلیلر غربه طوغری حرکات استیلاکارانه لرنده آنجیق ۱۳۰۰  
تاریخنده ساحل بحره مواصلت وبالطبع اوزمان دگزر اوزرنده سیر بر حرکت  
تجربه سنه مباشرت ایلدیلر . سلطان محمد اول و مراد ثانی زمانلرنده کوچک  
سفرلر اجرایی ایله موفقیتلر احرازینه باشلادیلر . سلطان محمد ثانی نك  
استانبولک فتحه موفقیتی - معلوم اولدینی اوزره - الک زیاده کیلرینک  
قره دن خلیجه ایندیرلمسی سایه سنده واقع اولمشدر . بو دونمانک بانیسی  
و آمیرالی الیوم کلیولی جوارنده نامنه منسوب بر لیمان بولنان سلیمان بک  
ایدی .

ترکرلک دور استیلالرینک ایکنجی عصرنده بالجمله آطه لرک ضبطی  
ایچون کیلر استعمال ایدلمش و آطه لر دخی یکدیگری متعاقباً ایدی تسخیر  
کچمشدر . قوة بحریه لری خرسیتیانلرله و علی الخصوص جنو زلر .

۱) اجنبی بر رساله موقوتهدن نقل اولمشدر .

و نیکلیلر ، سوالیله صورت دأتمده واقع اولان مجادلانده تقویت بولمقده و سلطان سلیمان قانونی ( ۱۵۲۰ - ۱۵۶۶ ) قوه بریه سنی شاهقه - شان و شهرته ایصال ایلدیکی زمان دوره اقبال و عظمتته واصل اولمش بولمقده ایدی . ترکلر ایچون قرمده سلطان سلیمان نه ایسه مشهور قورصان و آمیرال خیرالدین پاشا و یاخر سنیانلرک تسمیه ایشدکلری و جهله ( بارباروسا ) دخی دکرده اق ایدی .

( یوویوس ) ک قولنه گوره بارباروس خیرالدین اصلاً لسیوس آطه سنده ۱ )  
مقیم بر روم مهتدینک اوغلی در .

مع مافیه خرسنیانلر ، اثر خصومت اوله رق بویله منشاء نامقبول اسناد ایتملری بعید الاحتمال دکلدر . عثمانلی تاریخ نویسساندن کاتب چلبی به گوره اسم اصلیمی حضر ۲ ) اولان خیرالدین ، مدللای قهقهه گوکلای اوله رق اشتراک و مؤخرأ مذکور آطه ده اختیار اقامت ایدن یعقوب نامنده بر آدمک اوغلی در . یعقوبک بدرینی ایسه ( عسکر ) اوله رق قید ایتمسینه نظرأ روم اولوق احتمالی بالطبع کندیلکندن ساقط اولور .

یعقوبک ، جمله سی دگزجیلک نقطه نظرندن تربیه ایدلمش اسحاق اوروج ۳ ) ، حضر ، الیاس نامنده درت اوغلی وار ایدی . کاتب چلبی دیورکه :  
• اوروج ، حضر و الیاس دگزجی ایدیلر ، اغلب احتمال اوله رق سلانیک ، ساروس ، مصر ، طرابلس آرمه سنده سیر و سیاحت ایدن کوچک سفینه لرده قبودان ایدیلر . بویله سیر و سفر آشناسنده حضر ایله اوروج رادوسیلرک آله دوشه رک اسیر اولورلر . الیاس ایسه بو وقعه آشناسنده هلاک اولور .

۱ ) لسیوس میدیلینک نام قدیمی در .

۲ ) خیرالدین نامی مؤخرأ کندیسنه ویرلمش در .

۳ ) اوروپا اسانلرنده علی العاده هوروقس ، هوروجیوس ، آروچو ، آروچی دخی تسمیه ایدلمکده در .

حضر و اوروج - وقعه نویس حکایه سنده بو وجهله دوام ایدیور -  
 بشکراز احراز حربته موفق اولورلر و آناتولی والیسی اولوب پادشاده  
 زمانک برادری - شهزاده قورقوده النجا ایدرک معیتلرنده قورصان خدمتی  
 ایقیه مساعد سنی استرحام ایلر. مشارالیهک - مساعد سنی اوزرینه - حسابنه  
 اوله رق ایکی برادر ۳۶ گورکلی برغاله (چکدیرمه) تجهیز ایدرک دشمنلرینی،  
 رادوسلیرلی و اساساً تصادف ایتدکلری بالجله خرسیتیان کیمیلرینی تنکیل  
 و تعقیب ایدرلر .

سلطان سلیم اول جلوس ایتدیکی زمان برادری قورقود و بونک  
 طرفدارلری اولان اوروج و حضر دخی فراره مجبور اولورلر . بوایکی  
 برادر قرازگاه عمومیلرینی اول امرده کوچک (سرت) ساحلنده (یاربا)  
 آطه سنه نقل ایدیلر و آندن صکره (بی حفص) سلاله سندن تونس حاکی  
 اولان سلطانه بر اقامتگاه تخصیصی استرحامبله مراجعتده بولندیلر . بوایکی  
 برادر دها اولجه ایی قورصان اولقله اشتهار ایلش بولندقلرندن حلق الواد  
 (لاغالت) شاتوسی (قلعه سی) ، غنایم مستحصله لرینک بشده بری سلطانه  
 طاند اولق شرطیله ، کندیلرینه تخصیص ایدلدی .

بو مقاوله ایله هر ایکی طرف دخی ایی برایش بایدی . فقط مؤخرآ  
 فوائد مستحصله نک یکجهت اولان نتایج نافع سی همان قورصانلر طرفه  
 مساعد اوله رق ظهور ایلشدر . ترکلر آز بر زمان صکره موفقیات  
 سریعۀ مزایدیه مظهر اولمشلدر . چونکه صنعتلرینک نتیجۀ سی اولان  
 مکتسباتی اساساً مسلک لرینک توسیعنه صرف ایتکده ایدیلر . اول امرده  
 بارباروس لقبی اخذ ایدن اوروج ایله خیرالدینک سنجائی آلتده بک چابوق  
 اسلام کیمیلرینک کافه سی اجتماع ایدلدی . بوهیت متشکله یی غارت و یغما  
 اعتیاد ایتش بر جماعت دیه تلقی ایتک نفس الامر موافق دگلدر .

بونلرک نصل انسان اولدقلرینه و طورغود رئیس ، پیری رئیس .

سید علی ، قورد اوغلی کبی مشهور قیودان اولدقلرینه و بونلرک الک  
مهملرینک بالذات خیرالدین اولدیغنه آتی ده اقامه برهان ایده جگز .  
آنلرک شهرتلی ، موفقیتلری اوله کور کورینه ، هر چه باد آبادانه صولتک  
اثری اولمایوب خاصه هر برینک اراز فعالیت ایلسی سایه سنده وجود پذیر  
اولمشر .

بیسومکده اولان بوقورصان دونماسی ایچون آرتق ( غوله نا ) یک  
کوچک کلکه باشلادیغندن طولایی ترکلر طرابلس ، تونس ، اوران ،  
جزایر سواحلمده کی بر سوری مواقعی تسخیر و آنلری استناد نقطه لری  
اولق اوزره ترتیب و تنظیم مباشرت ایلدیلر . غریبه طوغری بو توسع  
نتیجه سی اوله رق ترکلر ایله اوروپا دولتلری و علی الخصوص شمالی آفریقا  
سواحلمده بر چوق نقطه لره مالک بولنان اسپانیالیر آرم سنده - آنلرک  
تجارتلرینی شدتلی تهدیددن طولایی - یک شدید رقابت و اختلافات  
تحدث ایلدی . فقط خرسیتانلر بیوک مقیاسده حرکات حریبه ایله بومضرات  
و تهدیداتی بر طرف ایتمک مقتدر اوله مدقلرندن کندیلرینک الک زیاده تحت  
تهدیده بولنان استناد نقطه لری ایچون تشبثات قسمیده بولخفته اکتفا  
ایلدیلر . مع مافیہ قورصانلر بلا مجادله ساحه فعالیتی ترک ایتمکی خاطر لرندن  
بیله یکجیرمدکلرندن بالعکس میدان محاربه سنه گیریشهرک و علی الاکثر غالب  
و بعضاً مغلوب اولمشر سده هیچ بر وقت قهر و تدمیر ایدیله مامشرلردز .

اوروج ایله اسحاق اسپانیالیرک بویله سفر قسمیلرنده ( اوران ) ده  
آبلوقه ایلدیلر . یدی آی محاصره دن صکره قورصانلر موقعلرینک  
ممتنع الحافظه اولدقلرینی آکلادقلرندن یالین قلعج الدمه اوله رق بر خروج  
اجراسنده تلف اولدیلر . او زمانلر اشتهار ایتمش اولان خیرالدین دگل ،  
اوروج اولدیغندن عالم عیسویتده بر بیوک نشاط و مسرت حکمفرما اولمغه  
باشلادی . ( اوروج ) الک شخصی اطرافده درلو درلو شایعلر ، افسالره

میدان آلمغه و مثلاً ( اوروج ) كُڭ « بر دست آهینه مالك اولدینی و آتی دیرسكنه قویاً بند ایدرك میدان محاربه لرینی مسعودانه اجرا ایلدیكى » و چونكه دست حقیقیسنك بویا محاصره سنده بر مرمری مصادمه سی ایله قطع ایلدیكى كبی سوزلر دورانه باشلادی .

( اوروج ) كُڭ باشی قطع ایدیلرك اسپانیایه گوندردلی و بر مزداغك تپه سینه كچیریلرك ساحل مملكتلرده طولاشدیرلدی و ساحل اهالیسی بك زیاده شاد و مسرور اولدی ، بو قورصانك اتلافتدن طولایی چوقدن بری آرزو ایتمكده اولدقلری سسكونت و راحت بئكرار مظهر اولدق اعتقادندم بولندیلر .

فقط بك آجی صورتده آلداندیلر ؛ چونكه ( اوروج ) كُڭ وفاتی بك چابوق خیرالدینك ، برادرینه قات قات فائق اولدینی ارانه ایلدی . قوتی دخی ایکی مثلی تزیید ایلدی ، زیرا اقلجه هر ایکی برادره عائد اولان دونما - اسحاق حارزاهیت اولدیغندن حساب قاتیلپوردی - درحال كنیدیسنك امری آلتیه كیردی . بدایتده دخی خیرالدین قورصانلرك شرقی و اوروج غربی استناد نقطه لرینی زیر اداره لرنده بولندیرمقدمه ایدیلر . فقط غربی استناد نقطه لری اكثراً ملری اولوب بونلركده اكثراً اهمیتلیسی بالخاصه جزایر ایدی ، بومیرانك كافه سی ده كذا بر حیات بولنان برادر كُڭ ید تملكه كنه كچدی .

اوروج ، جزایری اسپانیوللردن آلمش ایدی . اوروجك وفاتسندن طولایی در، كه اسپانیالیلر شمدی شهری یسینه اله كچیرمك فكر و امیدینه دوشدیلر . ( اوران ) جوارنده قرمه بر اردو چیقارمردق جزایر اوزرینه یوریدیلر . شرشه ل ۱ ) جوارنده خیرالدین ۲۰۰۰۰ عرب دن متركب كوچك قوه عسكریه سی ایله استقبالیسینه شتابان اولدی . میدان محاربه سی اوچگون دوام ایتدی و خرسیتیانلرك هزیمت كامله سی ایله ختام بولدی .

عثمانلی قورصانی اردو قوماندانی اوله رق دخی اولدقجه بر فعلالتمده بولنه  
 بیندیکنی ابراز ایلدی . فرداسی سنه بر دونما تهپنه ایدهرک جزایره سوق  
 ایدن اسپانیالیلرک حال و طالعی ده بوندن ده اایی اولمادی . بو دفعه ده تدبیر  
 دینله جک صورتده دگزده مغلوب ایدیلهرک آمراللری بر قاقج بیسک کشی  
 ایله برابر اسیر ۱۱ ایدلدی . اسپانیالیلر آمرال ایچون فدیة نجات اولق  
 اوزره ( ۱۰۰,۰۰۰ ) دوقات تکلیف ایلدیلر . فقط علما تخلیه سیلانی  
 تصویب ایتدیکندن خیرالدین آمرال ایله قبودانلری برر سهانه ایله اعدام  
 ایتدیردی . حتی نعتشک ۷۰۰۰ ( غولدن ) مقابلی اوله رق تسلیم ایدلسی  
 طلب ایدلدی ایسه ده مسلمانلر « نعتش ایله اخذ واعطا معامله سنی موافق شان  
 و حیثیت کورمدکلرندن » درین بر قیویه آتدیردیلر .

( مابعدی وار )

